

秦州志卷之二十三

人物仕績

吳呂岱字定公廣陵海陵人也爲郡縣吏避亂南渡孫
權統事岱詣幕府出守吳丞權親斷諸縣倉庫及囚繫
長丞皆見岱處法應問甚稱權意召署錄事出補餘姚
長召募輕健得千餘人會稽東冶五縣賊呂合秦狼等
爲亂權以岱爲督軍校尉與將軍蔣欽等將兵討之遂
禽合狼五縣平定拜昭信中郎將建安二十一年督孫茂
等十將從取長沙三郡又安成攸永新茶陵四縣吏其
入陰山城合衆拒岱岱攻圍卽降之二郡克定權留岱鎮
秦州志

卷之二十三 仕績

一

長沙安成長吳瑒及中郎將袁龍等復爲亂瑒據攸縣
龍在醴陵權遣黃蓋將軍魯肅攻瑒岱攻醴陵遂禽斬
龍遷廬陵太守延康元年代步騭爲交州刺史到州高
涼賊帥錢博乞降岱因承制以博爲高涼西郡都尉又
鬱林夷賊攻臨郡縣岱討破之是時桂陽滇陽賊王金
合衆於南海界土首亂爲害權又詔岱討之生縛金傳
送詣都斬首獲生凡萬餘人遷安南將軍假節封都鄉
侯交阯太守士燮卒權以燮子徽爲安遠將軍領九真
太守以校尉陳時代燮岱表分海南三郡爲交州以將
軍戴良爲刺史海東四郡爲廣州岱自爲刺史遣良與

時南入而徽不承命舉兵戍海口以拒良等岱於其
書請討徽罪督兵三千人晨夜浮海或謂岱曰徽藉累
世之恩爲一州之附未易輕也岱曰今徽雖懷逆計未
虞吾之卒至若我潛軍輕舉掩其無備破之必也稽留
不速使得生心嬰城固守七郡百蠻雲合響應雖有智
者誰能圖之遂行過合浦與良俱進徽聞岱至果大震
怖不知所出卽率兄弟六人肉袒迎岱岱皆斬送其首
徽大將甘醴桓治等率吏民攻岱岱奮擊大破之進封
番禺侯於是除廣州復爲交州如故岱旣定交州復進
討九真斬獲以萬數又遣從事南宣國化暨徽外扶南
秦州志

卷之二十三 仕績

二

林邑堂明諸王各遣使奉貢權嘉其功進拜征南將軍
黃龍三年以南土濤定召岱還屯長沙漚口會武陵蠻
夷蠢動岱與太常潘濬共討定之嘉禾二年權令岱領
潘璋士衆屯陸口後徙蒲圻四年廬陵賊李桓路公等
稽東冶賊隨春南海賊羅厲等一時並起權復詔岱督
劉纂唐資等分部討擊春卽時首降岱拜春偏將軍使
領其衆遂爲列將桓厲等皆見斬獲傳首詣都權詔岱
曰厲負險作亂自致梟首桓狡反覆已降復叛前討
伐歷年不禽非君規畧誰能梟之忠武之節於是益著
元惡旣除大小震懾其餘細類歸地族矣自今以去國

家永無南顧之虞三郡晏然無怵惕之驚又得惡民以
供賦役重用歎息賞不踰月國之常典制度所宜君其
裁之潘濬卒岱代濬領荊州文書與陸遜並在武昌故
督蒲圻頃之廖式作亂攻圍城邑零陵蒼梧鬱林諸郡
騷擾岱自表輒行星夜兼路權遣使追拜岱交州牧及
遣諸將唐資等駱驛相繼攻討一年破之斬式及遣諸
所僞署臨賀太守費楊等并其支黨郡縣悉平復還武
昌時年已八十然體素精勤躬親王事奮威將軍張承
與岱書曰昔日奭翼周二南作歌今則足下與陸子也
忠勤相先勞謙相讓功以權成化與道合君子歎其德

小人悅其美加以文書鞅掌賓客終日罷不舍事勞不
言倦又知上馬輒自超乘不由跨躡如此足下過廉頗
也何其事事快也周易有之禮言恭德言盛足下何有
盡此美耶及陸遜卒諸葛恪代遜權乃分武昌爲兩郡
岱督右部自武昌上自蒲圻遷上大將軍拜子凱副軍
校尉監兵蒲圻孫亮卽位拜大司馬岱清身奉公所在
可述初在交州歷年不餉家妻子饑乏權聞之歎息以
讓羣臣曰呂岱出身萬里爲國勤事家門內因而孤不
早知股肱耳目其責安在於是加賜錢米布絹歲有常
限始岱親近吳郡徐原慷慨有才志岱知其可成賜巾

補與其言論後遂薦拔官至御史原性忠壯好直言岱
是時有得失原輒諫諍又公論之人或以告岱岱歎曰
是我所以貴德淵者也及原死岱哭之甚曰德淵呂岱
之益友今不幸岱復於何聞過談者美之太平元年年
九十六卒子凱嗣遺令殯以素棺疏巾布襦葬送之制
務從約儉凱皆奉行之

三國志
吳志

宋周濤字幾道慶厯六年進士歷知杭州錢塘縣為政
壹自急飭視民疾如在己不肯釋事實為名聲要利所
在民愛譽甚於士大夫治平三年授僉書梓州判官

據王荆
公墓誌

秦州志

卷之二十二

仕績

四

周麟之字茂振敬述四世孫

舊志作
五世

登紹興十五年進

士調武進尉未赴中博學宏詞更教授宣州需次間徙

太學錄出倅徽州尋擢中書舍人知制誥兼侍讀會顯

仁太后崩克哀謝使先是金主暴虐麟之往使不屈金

主為之加禮使還上嘉美之兼吏部尚書累官左朝奉

大夫同知樞密院次年夏遣使賀遷復命麟之會天中

節慶使至持嫚書且索兩淮襄漢地中外忿之麟之因

奏金人意可卜宜練甲申傲使不當遣上曰卿言是也

彼將割地何以應之對曰講信之始分封畫圻應有載

書願出以示之彼將自塞使者果無語麟之又上疏極

詩曰臣聞事有必至理有固然昔之和戎今日之渝盟不待上智而後知矣若彼有速亡之形我有恢復之冀在陛下審處而應臣當竭智畢力贊成事幾使搖尾乞憐臣竊恥之疏入謫秘監分司南京居瑞州孝宗立復左中大夫尋卒年四十七麟之學識宏富辭令得體著有海陵集

舊志參府志宮偉
鏐庭聞州世說

周種字仁熟敬述五世孫少有遠度王安石一見奇之熙寧九年與弟秩俱擢第調江寧府右司理元祐初蘇軾舉爲鄆州教授久之擢著作郎兼崇政殿說書陳瑩中薦於上權起居舍人會咸陽民獻玉璽朝議欲因以

秦州志

卷之二十三

仕績

五

改元種言所獲者秦璽耳以之改元甚無謂哲宗曰卿其與宰相議種退爲別白言之卒不能奪由是忤政府因鄒道卿之出陷以罪貶寧海軍僉判徽宗嗣立遷瀟臚少卿自是補外爲桂帥其時有黃璘者以南蕃洞主歸義累擢觀察使提舉醴泉觀妄覬賞典誘蕃商使人牂牁詐爲其國主段和譽進貢種核其僞蔡京怒奪集英殿修撰罷領宮觀越五年蕃商僞使以分賜不均爭相攘奪事聞璘竄死復右文殿修撰知廣州蕃舶抵郡象犀香珠之屬一無所受靖節元年卒幼子方崇紹興中歷三院御史擢禮部侍郎

舊志

周秩字仲實與兄種同舉進士歷官有聲元符中當國者革元祐政痛以法繩下時邢恕等令蔡確子渭上書訟劉摯等謀危宗社引文彥博子及甫爲證上遣朝臣覆實卽以兵防二家悉囚其子弟召秩爲西京轉運使哲宗面諭曰彼欲盡誅大臣以下將置朕何地秩到洛察其無他卽釋禁防招二家子慰諭之具奏語不涉乘輿非有異志事乃寢大忤時相意仕終集賢殿修撰贈

徽猷閣待制

雍正府志
參舊志

元石光著字仲明至正間爲嘉興尹多善政士民立碑

頌德

府志采明
一統志

秦州志

卷之二十三

仕績

六

明楊廉字念清洪武中由貢生爲御史宣德初擢貴州右參議在黔六年清操一節賜璽書褒之及卒無資歸

里遂卜葬城東三坡林因家焉

府志采貴
州通志

周沂字公魯諸生洪武初濱海年凶朝命賑饑有司未及舉行民欲叩闕訴寃而無其人沂方弱冠毅然請往抵金陵值上微行以流民狀行歌於市上詢得其概命具疏入卽逮所司置重典賜深衣大帽書股肱二字予之官九江知府時江西積有逋賦沂往徵之積逋一清多所修舉以抗直忤當道謫戍遼北士論惜之

志

舊志采
東臺縣

潘原明與張士誠同起鹽徒士誠以爲浙江行省平章
守杭州明李文忠師至原明詣軍門納款以全城歸附
太祖嘉之仍授行省平章世襲指揮同知洪武十四年
雲南新定以原明爲布政使民皆安之十五年賜葬鍾

山之陰

舊志參新
舊府志

李伯昇初與張士誠同起士誠據姑蘇以伯昇爲浙江
省平章守湖州徐達攻湖州伯昇固守達以降將呂珍
徇城下乃出降太祖仍其官洪武元年進中書平章同
知詹事院事征陝西二年大行封賞世襲指揮使事五
年命爲征南右副將軍討靖州蠻十三年命守漳州未

泰州志

卷之二十三 仕績

七

幾召還卒

舊志參新
舊府志

施文初本從張士誠後歸附徐達麾下從征克山東下
河南守北平取陝西畧察罕腦兒皆預焉尋從克成都
征和林入沙漠征大石崖所在有功升浙江都指揮同
知改山東都司移鎮淮安子儀襲指揮使

舊志參
府志

陳珪洪武初從大將軍徐達平中原授龍虎衛百戶改
燕山中護衛從成祖出塞爲前鋒進副千戶已從起兵
積功至指揮同知還佐世子居守累遷都督僉事封泰
寧侯永樂四年董建北京宮殿八年帝北征輔趙王雷
守北京十五年命鑄繕工印給珪並設官屬兼掌行在

後府十七年卒年八十五贈清國公諡忠襄從弟良

文忠出征有功官都督僉事贈奉國將軍府志采明史

陳祿字添貴景泰年舉人官衢州西安縣教諭卒於官

崇祀名宦西安縣志

王讓字時遜景泰二年舉人歷知一縣皆有奇績復知

西川洪雅縣縣初建城垣公廨具草創讓隨方規辦與

民同畚鍤間出已俸犒賞未期工竣民不告勞暇則循

行阡陌田稅均平數年戶口增五千餘致仕歸邑人建

遺愛樓塑生像事之府志參雍正志

張文字存簡成化二年進士官刑部時奉命錄囚畿內

秦州志 卷之二十三 仕績 八

多所平反有馬平兒者報父仇抵罪文上疏謂君父之

仇必報反復累數百言讀者感動平兒遂得免死升浙

江按察副使伸雪冤枉全活甚衆平生自奉儉約如寒

士周人之急則罄所有弗吝尤嗜學不倦所作詩文皆

有關世教云府志參舊志

冒政字有恒成化十一年進士授南京戶部主事歷員

外郎郎中出守武昌守正奉公多所興葺升山東左參

政馳南旺湖禁以食貧民又分守遼陽正德間升江西

右布政使奉新饑盜且起政賑恤有方一時晏然復以

所餘餉銀歸於代者晉右副都御史巡撫寧夏忤逆瑾

以遼陽軍儲事逮治削職罰米三千餘石璵收復官宅
居十餘年卒賜祭葬如例

舊志參分
省人物考

陳相字子鄰初守蒲州疏請王府祿米每石折銀一兩
民皆稱便遂為定制值歲災大發賑幼穉棄道路者悉
全活之升戶部郎出知台州府定策擄巨寇晉廣西參
政台人為立去思碑卒祀名宦所著有蚪鳴稿及同儲

欒唱和集 舊志

徐蕃字宣之號北屏宏治六年進士乞養歸後謁選授
南京吏科給事中以論劉瑾逮杖幾死放為民瑾誅起
為江西參議擢浙江堤學副使抑浮靡崇理學累仕為

泰州志

卷之二十三

仕績

九

都御史出撫鄖襄清募流民得二十餘萬後以工部右
侍郎提督易州廠以疾乞休蕃性簡淡寡嗜好居處衣
饌取給而已嘗見其子治室頗整潔之素無妾媵其妻
在家為購女備巾櫛蕃歸即日遣還其家

府志參
舊志

王繩字理卿正德八年進士知江西進賢縣時洞蠻姚
源古殺掠為害紆身抵其八討平之在邑三年清滯獄
革苛政建鍾陵書院祀先賢周敦頤置院租餼守者進
南京工科給事中首疏陳皇儲謹大祀及邊防時務疏
凡十餘上宸濠之叛畢太監謀內應紀與兵部尚書喬
宇策縛之武宗南巡紀屢疏請還後為言者所中謫浙

江嘉興 舊志作嘉善

縣丞升山東武城縣會濬沱河決捍治

有功擢高唐州以憂去起補河間未幾擢陝西僉事以

賑濟積勞卒於官廟祀高唐 府志參舊志

諸洵字平甫正德六年進士官兵部郎中左遷知沔陽

歲饑積逋賦所司督責洵下令悉停止民賴以安沔田

多水患請修築河防言甚剴切沔陽志良牧傳稱洵河

防一疏萬世之利惜未之行遷台州同知升漳南僉事

漳舊多盜洵設條約擒逋寇黃滿餘黨悉靖顧以守正

不阿致仕歸闕雉山園口讀書其中博采建文諸臣編

輯草除錄及卒門人私謚文貞子 府志參舊志

秦州志 卷之二十三 仕績

十

徐嵩字小石蕃子正德十六年進士授戶部主事與議

興獻大禮忤旨受廷杖尋復職升郎中出知保定河間

府擢湖廣副使分巡江防時牛首山礦徒猖獗辰衡兩

府騷然撫按屬嵩調官兵一鼓殲之捷聞遷山西參政

晉布政使撫順天朶顏三衛連結哈密謀內侵嵩多方

經畧諭以恩威衆皆欵服後因胡守忠事謫戍踰年歸

府志參舊志

沈良才字德夫嘉靖十四年進士改官吉十授兵務

事中尋轉工科左給事中時浙省虛網不存百官廢

才往勘伸存而御綱 舊志作伸綱 網實法 一

釋人稱明允遷吏科新志中嚴嵩甫入閣良才疏列其

奸不報升南京大理寺右丞晉左少卿因丁汝夔事忤

旨廷杖尋以僉都御史巡撫湖廣升兵部右侍郎值倭

寇朝議遣大臣討之嵩憾其曾劾已奏遣良才會趙文

華自疏請往不果行嵩復誣以他事削職後其孫道隆

具疏上陳得復原官初良才為諸生時富民劉欽請賑

諸生之賢者良獨却之御史李東嘉其節為備禮冠婚

即於是年舉於鄉府志參舊志

王陳策字師董嘉靖二十六年進士宰兩邑俱有惠政

歷官工部郎出守廣信傷夏言之死訪有一子在襁褓

秦州志 卷之二十三 仕績 十一

義僕竊逃得脫寄寺為僧陳策託故往訊已十四齡矣

輿之歸召鄉紳而見之四坐為之垂涕有許姻者即納

幣擇日為成婚禮事載廣信生祠碑中府志

顧廷對字子俞號直齋嘉靖三十八年進士知浙江平

湖縣減驛馬復塘長酌開河事宜一時稱便擢御史不

避豪貴先是宣德時以宣城逼山多虎傷馬暫令秦州

寄牧馬千六百五十匹久為民害宏治間儲懔為太僕

奏蠲馬八百匹及廷對視馬政奏蠲種馬之半鄉人德

之出按江西持法平允後謫官涪州改嘉善縣令未之

任而卒刊有尹湖末議江石奏疏府志參舊志

凌儒 真卿號海樵嘉靖癸丑進士初為永豐令

政擢御史疏請重倉八墨之罰革虛冒之兵搜遺逸之士

因薦洪先陸樹聲吳徽吳悌帝惡其市恩遂罷職事具明史

楊思忠傳 儒家居後尤有功桑梓泰糧六萬有奇四萬屬下

河下河地勢卑下田盡傍高寶長隄隄一傾則田盡沒

民或魚鼈儒力請常道議開丁溪白駒二港洩水入海

相度疏濬不避風雨民享其利卒年八十著有舊業堂

集府志參舊志

陳汲字汝汲嘉靖丙辰進士授刑部主事卒於官初觀

政戶部時奉差解餉至山海關值敵帥擁眾聚圍汲與

泰州志 卷之二十三 仕績 三

守關使者巡城誓師晝夜不息因畫奇計從材官中識

有蔣武生者可用乃命旦日忽開門以偏師出敵不意

貫其中堅驚以為神因夜走圍遂解巡撫蘇志臯欲以

事聞汲力辭志臯嘆服以為遠器舊志

張桐號鳳樓初為山陰令多惠政就常調擢南京戶部

主事以憂去服闋謁選宜補北素性恬退仍以家近請

南稍改南職方歷車駕職方員外郎郎中時江陵相黨

為操江侵本兵權預選補江營諸將桐引故事力爭弗

為屈左遷武定州會監司麟鷲無人理遂致仕歸家

者三十年工書法七 運腕如神舊志

陳應芳字元振號蘭臺萬厯二年進士浙江龍泉人
令民爲立碑建祠設生像入名宦遷禮部主事教習駙
馬都尉以壽陽公主婚禮衍時發左右欺蔽狀且言公
主當恪遵婦道不宜使男下女姑拜婦上嘉納之典山
西試所拔如傅新德韓熿積用光皆表表者出爲鞏昌
府丞遷僉事督學浙江攝閩藩積羨若干緡籍爲正需
遷南大理丞當入賀上敬天師古法祖勤民一疏遷太
僕少卿條馬政八議皆報可乞歸後力爭以正改兌與
鳳陽代糧二事詳見所著敬止集中又有守愚歸來日

沈園諸錄天政四年祀鄉賢
府志參

秦州志 卷之二十三 仕績 十三

沈道隆字念毅以祖父良才蔭任南戶部照磨得楚黃
豪掾贓狀論治如律出判慶陽舊例軍需皆取給鹽課
道隆條上十七議軍商便之調夔州移饒州同知擒巨
盜數人箠殺之徙慶陽引河灌田令民芟牧河水溢開
渠築隄邊人德之
府志參
舊志

韓斐由御史知處州興學校培士氣枯之東鄉大堰久
塞斐捐俸修築民感其惠升山東參政
府志采浙
江通志

劉萬春字延之萬厯丙辰進士授戶部江西司主事管
西三倉推崇文門稅仍以羨金繳上歷兵部員外郎
中往例武選一缺自邊帥以下悉納金綺萬春獨一無

所取時吳牲官侍郎疏請王良易名從祀萬春具厥
名賢一揭謂王良胡獻林春宗臣顧養謙印度六人又
凌儒劉永澄王納諫三人士論躉之升浙江參政溫處
道所至有聲

府志參
舊志

袁懋貞萬厓舉人知南康府句剔蠹隱飭兵清賦建隄
築牖修白鹿洞延師主講興起士行升任去

府志

王相說字懋弼天啟壬戌進士任袁州府推官明於審
斷崇禎戊辰擢御史未半年疏四十五上俱得溫旨其
請復召對一疏卽奉旨行會溫錢爭相溫指錢爲黨相
說抗疏言人臣不可言黨人心當先息爭凡言黨者必

秦州志

卷之二十三

仕績

十四

有爭心體仁欲以黨字塞言官之口則自體仁言黨羣
臣始無黨而有黨也庚午出按山西值巡撫耿如杞入
授師潰被逮邊兵叛殺兵道守將相說單騎詣營撫之
而安仍令自推首事數十人斬以徇潰兵劫掠入境相
說會同新撫仙克謹同日起兵抵暮偵報克謹中刺相
說領其衆次於襄陵檄秦撫絕河流以防逸賊不數旬
殺賊殆盡餘一十七騎渡河秦撫不能遏是爲李自成
之始釁矣是年升湖廣參議乞病歸壬午起爲江西督
糧參政時流寇益熾相說轉餉無匱左良玉兵南下恣
肆淫掠相說委曲開諭左兵稍戢後家居十餘年而終

年七十六祀鄉賢

舊志參府志
袁州府志

黃太元字天侔天啟五年進士授中書典試陝西所得
士如韓城高卒印富平田本沛朝邑張表皆一時之彥
遷戶部主事督餉江北歷升廣西左布政使所至清慎

勤於職業

府志參
舊志

徐燿字蓼莪崇禎元年進士知福建隆溪縣剿海寇劉
香老有功歷都給事僉都御史時泰州飛派鳳米萬石
民苦之燿特疏豁免卒贈副都御史

府志參雍
正府志

繼蘭字貞吉

水司主事時

重城衆皆退避工部尚書劉遵憲知繼蘭才委

卷之二十三

牛績

五

以專督節簡甚多視訂自陽高縣築城卒如其議出知

兗州府兗爲藩封重地繼蘭嚴於立法親族莫敢撓清
宿逋錢糧至二百六十三萬有奇當事欲薦繼蘭備兵
兗京以母老請養歸踰二十年復起羅定兵備不赴卒

於家祀鄉賢

兗州府名宦

府志參雍
府志

王相益字懋虞崇禎二年拔貢生官福建招撫海寇有
功補福州府海防同知督造封船從使臣杜一策航海
册封琉球國王後乞養歸事母以孝聞

舊志

案舊志新昌令何金聲濟南通判劉時雍兩人無事

實可紀今刪

國朝崔之四字季公住富安場家素饒明崇禎初兄之一
之二以家難死讐人手讐人為同祖兄弟將並謀之四
以杜患時之四年甫十三乃陽為憨騃使讐人弗疑一
日逸去號控當路卒抵讐於法 國初以例貢授中書
從征滇南有功補安普兵巡道救還掠繫婦女萬餘人
咸資以路費又宣諭尚苗率化一載之內邊境廓清卒
於官

上諭曰萬里從征不辭勞勩冷署孤魂殊堪心惻令馳驛歸葬
廕其子一人 府志參舊志
東臺縣志

田顯吉原名毓蕙明崇禎間舉人

秦州志

卷之二十三

仕績

六

國朝成進士知山東嶧縣多惠績邑人德之督撫交薦內

擢會以疾卒年六十三祀鄉賢 舊志

張幼學字詞臣順治三年舉人知浙江鄞縣時軍事旁

午需餉孔亟又值造戰艦幼學處之裕如凡有征輸聽

民齎饒自投侵漁頓絕治邑八載遷大興去時孳畱盈

道尋卒鄞人為位而哭祀名宦 府志參
舊志

陳忠靖字爾位號曉堂順治四年進士由中書擢刑科

給事中首呈早舉

經筵速差卹刑二疏皆報可時揚郡下河壘罹水患賦額

不供部議擬分年帶徵忠靖疏言臣鄉頻年饑饉雖帶

徵無益惟懇全蠲以廣恩卹辭甚剴切得荷

俞允後左遷歸里卒

府志參
舊志

俞鈺字天水順治五年舉人任延安府推官未幾丁內艱服闋補廣西太平府推官甫下車平反大獄誅鋤強暴安輯苗民政績具載省志祀名宦康熙二十八年祀

鄉賢

府志參
舊志

董大用字仰山遼東籍順治初任贛州鎮中軍官金聲桓叛圍城數月石米五十金大用預儲米數千斛盡以餉卒賑民時乘間出兵奮擊圍解以功升廣東總兵子世職調守海澄宣布威德海上歸附者甚眾康熙中乞

秦州志

卷之二十三 仕績

七

休入籍秦州屢歲水滂大用捐銀米以賑活饑民百餘

萬口又建修學宮葺復海陽樓州人德之

府志

李嘉蔭字爾止

舊志稿云字爾孚號草樓

順治六年進士知安定縣

值大兵西討籌備軍需百姓毋擾捐俸修學宮與諸生講貫事載安定縣志遷河南歸德府同知雪寧陵冤獄母老歸養復起為陝西寧夏衛同知時響馬賊遍山野有地名九岡十八凹為其巢穴盜魁王良弼劇狡勇屢奉

旨緝拏未克獲嘉蔭以計擒之邊境始安升貴州黎平府知府

黎平清溪洞苗民倡亂有司議進剿嘉蔭諭以恩威許

其投順命軍士所取財物悉還羣苗民感服兵遂罷
貴撫特疏薦之遷守順德康熙九年以病乞歸卒祀鄉
賢 采舊志稿

俞鐸字天木鈺之弟順治九年進士改庶吉士逾年授
御史時值秋讞上疏停刑巡按宣大疏罷監司之不職
者又念淮揚數苦水患凡修隄勘災官每以供應擾民
請單騎減從永著爲令疏入報可轉口北道參議以估
計獨石城工染疾卒於官 府志參舊志

沈喬生字國望順治十一年拔貢授內閣中書辦事直
房

秦州志

卷之二十三

任績

六

世祖臨幸奏對稱

旨賜九成宮法帖一部康熙元年充頒

詔官以從剿闖賊

餘孽功除浙江處州府同知先是有仁和寺僧真元者

爲主僧道元杖殺縛而沈之水壓以石閱數載矣值喬

生公出見一巨鼉浮水上隨人行止命役蹤之至麗水

蘆潭橋下得一屍而橋旁卽仁和寺拘道元鞫之一語

而服道元故多黨援救書盈案喬生悉焚之斃道元杖

下處多虎患地多竹民皆用竹作屋一火千餘家喬生

一夜殺五虎又立拆屋截斷法捐貲造火鉤火搭諸器

民咸賴之旋擢守保定權巡道事理滯獄釋無辜時值

二藩之變大兵所過供頓不貲喬生悉力籌備弗以槩
民十五年升陝西按察司副使肅州道肅州爲西北保
障至則撫番夷開屯田理鹽驛整器械練行伍晝夜奉
公以積勞成疾乞休歸貧不能給衣食州牧造廬訪之
時屆嚴冬喬生棲敗屋中裹繒袍曝日牧愕然曰固知
公清貧誠不意一寒至此喬生笑謝而已終無所干請
焉卒年九十有六

舊志稿參
府州志

陳凝祉字懋吉順治七年舉人任汾州府推官剖斷疑
獄持法平允分校晉闡遴拔皆宿儒晉都察院經歷升
戶部郎中歷掌關權以廉能稱轉湖廣驛糧道值吳逆

秦州志

卷之二十三

仕績

九

之亂轉餉軍前著有勞績上書總制歷陳戰守機宜行
之皆效未幾引疾歸卒年七十有七著有敬由錄詩文

全集

舊志

葛覃字天衣順治十七年武舉人工詩任川陝督標守
備統火器營兵二千奉

旨調酒泉康熙三十五年

仁廟親征噶爾旦統滿漢六師由中路出口調火器營防要鎮
爾時守延綏過無定河河濶數里無舟梁奔流迅急覃
乘馬渡河水滅至胸馬至中流幾溺死延綏截河套要
口控扼千二百里防調所駐艱險備嘗具載家乘及所

王師奏凱

誥授明威將軍

府志

田敬錫字公燮由歲貢考授中書遷刑部主事歷升員外郎郎中時浙省一朝貴窩盜事覺有行數千金求寬解者卻不受卒按治如律秦蜀起大獄株連至千百人力持不可全活無算歸里後捐腴產值千餘金為義學

及囚糧之費歿祀鄉賢

府志參舊志

宮夢仁字宗袞號定山偉鏐子

偉鏐見文苑

十歲善屬文長

益博覽康熙己酉以靜海祖籍舉順天庚戌會試第一

秦州志

卷之二十三

仕績

三

癸丑殿試改庶吉士授御史疏十數上尤諳河務因准黃泛溢急請疏理海口且繪圖入告出為河南督糧道中州漕儲本折糜定夢仁綜核錢穀節省浮費以裕軍需無豪髮厲民丁憂服除補湖北驛鹽道晉山東提學副使釐正文體得士最盛內擢通政使司右參議累遷右副都御史巡撫福建察臺灣之勒派稽通省之盈虛禁人命之株連嚴兵餉之扣剋俱有功於閩疆逾年罷歸旋奉

旨分修南河高梁澗龍門壩高家堰諸要工露宿河干者八閱月功成淮揚得無水患

上南巡閱視真其... 是閉門卻掃日... 著述有目

訂文集一百石喻... 文... 英華選英華粹語廿一史名

世言行錄... 年... 舊... 錄若干卷其讀... 肯紀

略五十四卷

旨刊刻 行世卒年八十有二

特派史 傳... 鴻麗而十五年... 進士... 編修... 離別

舊志參 府志

繆肇祺字介茲康熙二十四年武進士任浙江掌印都司首除漕蠹方上奇軍民畏服浙省地狹人稠棺多暴露肇祺捐俸置義冢掩埋創建義學勸課子弟致仕歸

秦州志 卷之二十三 仕績 三

卒年八十一 舊志

劉卜師字子和號容齋康熙二十四年武進士授廣東肇慶守備從征... 戰功移駐德慶州汛地為兩粵咽喉客舟來往... 梗塞... 歸巡緝嚴明商民便

之府志

劉士虎隨父卜師任肇慶守備制府委授封川千總僅轄二十人時海盜聯四巨舶乘風而來士虎日宜速迎戰至岸則受其毒招一卒自隨躍小舟手鐵鑱重百餘大呼創盜數十人盡披靡後十九人始至制府聞之大喜將加擢用而竟以是役傷力死其妻年二十一扶闕

歸德志

案舊志主虎附叙其妻節婦陳氏德中茲列入

張沐定西水康熙三十一年舉人以中書改兵部

令士比愛戴兩立德政碑及引疾歸一立去題碑

舊志

繆肇封字山州康熙已卯武舉人任興武備旋

將銜為正四京職都司位任後清還

賜卹之米兵部其日支給三在之

感之建生祠立德政碑

舊志

官憲言字書升號滄

泰州志

卷之二十三

仕績

注

以...

台以...

定...

...

州府志

唐麟...

...

文

...

...

...

卷致仕後邑人立去思碑著有中聲集舊志

田廣運字右君號謹齋敬錫子康熙四十四年

聖祖南巡獻詩賦

召入武英殿纂修辛卯舉順天鄉試壬辰會試

欽賜進士授福建惠安縣令惠安為海疆巖邑廣運莅任多異

政士民畏懷遠人悅服督撫會疏屢薦奉

上諭田廣運盡心公務勤勞可嘉將次擢用入京需次卒於邸

中舊志

張文緯字振侯其先江都人父善政以討逆功授他喇

勤哈番蔭襲三世

秦州志 卷之二十三 仕績

三

仁廟南巡三幸其家既文緯入籍秦州以濬茱萸灣河工議叙

授陝西武功縣令求免積欠民感其德改福建長汀縣

擢同知以病歸邑人建祠祀之府志參續志稿

繆沅字湘芷先世於元至正間由嘉興遷秦曾祖欽以

布衣伏闕上疏籲免秦州浮糧萬五千餘石贈懷遠將

軍沅生而嗜學諸子百家靡不賅覽康熙四十八年進

士

殿試一甲第三授編修充五十一年會試同考官視學湖

廣每試一郡畢與諸生會講而去其有孝子節婦則親

式其廬應山楊忠烈漣江夏賀文忠逢聖子孫流落資

之使有以自立秩滿瀕行兩湖諸生送千餘里尋遷工
科給事中轉禮科雍正元年言事稱

賜貂裘松花硯等物訊尅減高麗車兩事鳳皇城邊人以和

擢太僕寺卿累遷工部侍郎轉刑部無疾而終年五十

八子四集進士梓琬樓皆舉於鄉雍正七年祀鄉賢府志

宮雝字炳如夢仁孫康熙五十四年進士授中書監督

通倉清嚴率屬無敢干以私以母老與兄翼宸同日乞

養歸素精易理著有花嶼山房詩集府志參舊志

陳遠臻字以漸貢生由教習期滿授貴州永寧縣令興

學課農民苗咸服報最入覲

秦州志 卷之二十三 仕績

仁廟賜性理唐詩蟒衣果餅授新興州牧洊升刑部員外郎郎

中浙江道御史巡察北直順德等府至成安縣卒府志

許光震字電青康熙五十四年進士知鳳翔縣會水災

民艱於賦遣人回籍鬻產代輸銀數千餘兩後以親老

告歸鄉人稱孝友無間言舊志

宮煥文字觀成號樸安康熙五十六年舉人挑選知縣

改就教職雍正十一年成進士授工部都水司主事洞

庭湖曩無舟泊地

朝廷命工興建航桿洲以利行旅復因廢員呈請効力事

竣報部議加核減煥支持不可謂工出民間物料多寡

應毋庸議且恐沮後人急公之心奏聞

報可乾隆二年擢山東道御史屢上彈章不避嫌怨八年秋充
順天鄉試內監試時功令嚴切中使口宣

詔旨日且數輩煥文敬謹奉行晷刻不少假借十三年充文武
會試同考官巡視東西南三城及通州漕務晉奉天府
丞累官通政使以病歸四十五年

高廟南巡特

行問賞賜有加卒年八十九後二年内閣

即咨查宦績史館立傳家傳

宮耀亮字武鄉號鞠菴康熙五十六年舉人知陝西醴

秦州志

卷之二十三 仕績

三五

泉縣縣有龍泉里石田不可耕力請上官奏免九十餘
頃銀糧唐昭陵建陵陵戶各給田數十畝乾隆十一年
有令陵戶退地築墻之議耀亮請參以通融乃聽民耕
如故其修縣城也因年饑以工代賑七閱月成嘗纂修
縣志畱心蠶織一條巡野董勸自是懿筐滿阡陌邑人

繪像祀之北山曰宮爺廟府志參禮 泉縣志

沈遴字輯之康熙六十年進士初署貴州施秉縣濬城
東諸葛洞河五十里縣民常被九股生苗燒害遴親統
官兵擒獲民賴以安補普安縣令有宋勉之子被盜殺
四捕無蹤乃為文禱于城隍神立捕巨盜置之法三次

鄉試充同考官乾隆初年聘修貴州通志在任十三年
緩催科革陋規修學課士以疾歸遂卒子均歲貢生蒙

城縣校官府志

朱永輝字潤生康熙間知湖南沅江縣首建義學建水

府閣造瓊橋修邑志刻楊忠愍文集政聲大著府志采沅江縣

志

周之松字壽千雍正元年武進士授廣東督標後營守

備歷署兩廣叅將軍政簡嚴工詩愛客官署臨海上有

二番客爭珠大譟械鬪適之松攜子虹來香嶼命懸珠

百步外榕枝上射之今日分左右黨射中左珠歸左中

泰州志 卷之二十三 仕績

三

右歸右皆中各執一客曰諾虹旋馬去後嶺飛策馳下

一矢電激兩珠齊墮地客乃罷自是洋宄奸賈搖手過

境數歲海疆晏然府志

宮大鵬字天巢雍正七年拔貢生舉賢良方正授江西

安儀縣令歷知湖廣武昌安徽繁昌等縣嘗集經史子

集中言忠者手錄成冊名曰彙忠編其目有四日本忠

辨忠致忠成忠胸中蘊蓄一於政治發之致仕歸為鄉

里矜式卒年八十有三府志

劉育杰字兄若雍正八年進士知山東招遠縣上司督

令墾荒尅期責效育杰以事涉紛更力陳不便遂不果

行黃縣民田成蛟等出洋遭風飄至朝鮮各負重傷育
杰奉檄查辦以高麗素臣服請咨部行查旋據高麗覆
稱並非啟釁滋事遂寢調昌邑以病歸丁外艱服闋
棟發湖北權京山審結千餘案投蘄水令時有僧逆於
天堂寨者出沒羅斬英霍間遠近倉皇育杰時入武闈
奉檄回縣見老幼逃竄紛紛莫可禁遏探知蘄州無恙
賊不能越疆飛渡長子司炎方畱省會諭令端歸且朱
書榜於輿前日本縣只此一子如果逆賊猖狂何忍反
投虎口蘄民見之大定調漢陽升陝西華州值軍需旁
午區畫井井旋擢守潞安遂卒年五十九府志

秦州志

卷之二十三

仕績

三

劉育渠字木若雍正十一年進士知陝西武功縣賑饑
有善政民德之祀名宦子司燮舉人府志
繆樞字曉巖一字海峯雍正十一年

欽賜舉人

乾隆十七年權知廣東左州事地鄰交趾樞慈以濟

嚴頗稱良吏二十一年乞老歸年八十有二著有自怡

集一卷續志稿參淮
海英靈集

朱元夢字呂占號北渚貢生官豐縣教諭訓士有方捐
俸葺學宮置祭器遴選佾舞升國子監學正卒年四十

八豐人思之請祀名宦

舊志

朱士楨字峙青天性孝友官荆溪訓導捐俸修學宮賑

饑民邑人稱之

舊志

朱東啟字曉先號爽亭元夢子貢生由主事授貴陽府同知引見時

憲廟詢以馭苗方略奏對稱

上苙莅貴陽值苗勢猖獗餉道梗阻東啟募兵裹糧從間道馳七百里餉軍圍乃解巡撫器之請

恩加養廉以示優異監永寧鉛廠釐剔積弊商民悅服烏蒙竊發東啟上平烏八議且率兵督戰巡撫用其議烏蒙平署普安州升平越府平越隣境有生界土坪二地爲苗人門戶東啟請築城二以資防禦又築臺拱新城三秦州志

卷之二十三

仕績

三

面鼎峙苗人讐慄東啟又言於巡撫曰苗地險阻非熟知路徑無以備不虞巡撫入奏

特旨命東啟充繪圖正使深入蠻疆六閱月悉得其險要成分合六圖進

呈山川形勢瞭如指掌因是染瘴疾請代會九股逆苗矚平越無守擁衆入寇兵弁多陣亡存者不滿三千人東啟力疾起慷慨誓衆得黃平難民五千人諭以大義教以擊刺登陴固守匝月獲苗謀三人鞫知苗情磔之城上出奇計斬獲六百餘級適張經畧援兵至東啟協力助戰二三晝夜苗衆潰竄孤城復安經畧奇其才請畱參軍機

躡年事平入覲

高廟

溫旨嘉獎

賜藥餌授思南府知府尋升貴東兵備道以積勞失血瘡癘復

發卒於官年四十有五東啟素耽典籍雖倥偬戎馬不

廢嘯歌著有靜壽齋詩集

續志稿

高簪纓字偉謨號鷺騫少孤事孀母唐極孝與弟繩武相友愛初任山東膠萊鹽運分司題補桃源集同知歷知濟南泰安沂州府事雍正十一年以同知引

見奏對稱

秦州志

卷之二十三

仕績

三

旨瀝陳孀母苦節乞

旌

特旨賞給封典桃源為三省盜藪素多竊發簪纓嚴立保甲親

查窩穴半載餘奸宄斂迹上司以簪纓拏賊不漏一名

入奏奉

旨議叙會值水災查辦賑卹不假胥吏全活甚眾先東省貢院

號舍多傾圮奉檄督修估項僅二萬同官有以數少為

慮者簪纓毅然獨任鳩工庀材於官帑外捐廉二千緡

以補不足又虞號舍卑隘增置明瓦牕萬餘其卹士子

如此上司以治行為東河最題補曹州府知府以母老

乞養歸 續志稿 參家傳

仲鶴慶字品崇號松嵐先賢六十五世裔孫明永樂時自蕪遷泰鶴慶於乾隆十九年成進士需次家居時多水患莊巡撫有恭幕客某以洪湖大漲欲棄泰之北鄉田為水宅鶴慶與議謂高寶興泰形如釜底而興為甚泰未受水而興先之興既受水而高寶隨之不能獨棄泰田也且洪湖水下四邑之生靈皆盡咎將誰歸事遂寢比謁選授四川大邑縣令正疆域以息水訟表地界以靖山爭創建書院延師課士兩權邛州事民愛戴之三十一年緬匪犯邊鶴慶以馬政赴雲南督修瀾滄官

泰州志

卷之二十三

仕績

三

道監牛角關軍糧後攝蓬溪縣被議鶴慶性剛直為某所疾禍幾不測德尙書保攝川督事乃得雪初鶴慶罷蓬溪復任大邑及被逮士民泣送越境乃已居蜀二載始歸主講鎮江寶晉歸德文正南康白鹿如臯雉水各書院著有迨暇集古文二卷詩六卷工寫蘭菊竹得者以為寶年六十三卒 府志

宮煥采字惠疇舉人任涇縣教諭有學田為豪所奪煥采清理之勒諸石會歲饑襄辦賑務胥吏不能欺士民

稱焉 家傳

宮慕超字御天舉人由和州學正擢知河南寧遠縣遷

甘肅平涼縣所至有惠政乾隆四十九年回匪犯順其
趙措方畧率官兵鄉勇晝夜防禦大軍凱旋後以守城
功議叙入奏調署秦州未幾罷官卒於家續志稿
高狝字雲甲貢生河南辰州府通判權知臨鄉縣縣山
有煤窖業煤者多爲民害狝究治之奸徒斂跡晉同知
乾隆十四年擢廣西太平守引

見

上諭苗疆奏對稱

旨頒賜

憲皇帝上諭字帖貂皮香錠旋以乞養歸卒年五十

續志稿

秦州志

卷之二十三

仕績

三

劉夢金字賢受號澧齋乾隆十七年武進士二等侍衛
授廣東游擊江西廣信參將會辦封禁山事山連閩粵
綿亘八百餘里多奸究竄聚夢金督率巡察山境肅然
遷福建興化協鎮防禦尤嚴歷署漳州汀州南澳諸鎮
調補臺灣北路協鎮往還兩次積勞成疾累巡海壇等
適六瑀港洋匪滋擾身先士卒擒獲殆盡後以疾作告
歸年七十六卒府志

宮柳晟字西平舉人知雲南大姚縣大姚故瘠地柳晟
莅任兩月於鹽課正額外裁汰銀二千餘兩以紓民力
歷署琅鹽黑鹽井提舉嵩明州知州中甸同知民竈硯

長無不感戴充乾隆四十二年鄉試同考官年八十五

卒續志稿

宮晉颺字穆蕃號湘秋舉人知山西長治縣嘗錄一重

囚以誠動之囚忽感悟自承清釐糧冊刪去浮丁二萬

餘口免胥吏影射沁河山水暴漲捐俸拯濟流民富戶

輸金川餉有溢額銀二萬兩立召其人還之晉秩主事

乞養歸弟履基字應乾與晉颺同舉於鄉為常山縣令

十年勤慎自持葺定陽書院辦理江塘兩充同考官與

兄先後乞養履基著有素軒集府志

沈謙字君撫號筠谿乾隆甲辰進士授福建羅源縣知

秦州志 卷之二十三 仕績 三

縣引

見時調南靖治海疆有能聲歷知上杭長汀諸劇邑政績俱著

後知浙江嵗縣修學校勸農桑勤聽斷邑人感之旋以

奉差入都沒於京邸謙湛深經術兼工詩文采訪錄

朱端揆字錫嘉東啟子官山西太平縣知縣蒞任三日

即清釐積案數十吏民驚異捐俸葺龍門書院時大兵

征回部軍需孔亟日辦駝馬千匹端揆籌備如數調臨

汾值歲大饑斗米千錢亟請於上官不待報可開倉賑

濟復捐廉設粥廠存活無算乾隆二十六年

賜荷包綵緞會卓薦第一

特旨記名以知府用歷任河南開封廣西平樂同知以病歸卒

於家年五十七著有妙契詩鈔秦晉燕粵游草

續志稿

高鳳翥字象六號果亭博學工詩古文弱冠為諸生有聲庠序南北闈十應試屢薦不售官福建福州府通判省會煩劇倉廩錢局悉歸總理鳳翥剔弊釐奸一塵不染督撫軍三標兵糧均由本署支領前官有累日不能畢事者鳳翥半日立竣營弁悅服距治四十里竹溪稅口素苦盤查過密鳳翥約束胥吏明立科條商賈頌德

秦州志

卷之二十三 仕績

三

上官簡其才委鞫閩侯兩縣積案二千餘秉公聽斷無有枉漏未半載案牘一清乾隆十五年鄉試充貢院供給所體念士子一切食飲躬為檢點並捐廉於常例外加粥一餐其闈中詩有矮屋半生憐席帽香秔一椀慰同袍之句尋權福州府事有閩清同安兩縣事干提訪奉檄鞫訊申被枉者冤總督喀疑徇庇鳳翥堅執不移終得昭雪致仕後敦行善事不倦著有三山游草二卷

日涉園仿陶詩四卷

續志稿 參家傳

陳端字方行號琢餘附貢生官山東平度州知州州俗刁悍無賴聚黨各野刀會為民害端至嚴禁五年餘其

風盡熄捐俸開州南洼池爲樂予莊建育嬰普濟兩堂
調膠州修泮宮會士子講權文義俸滿擢刑部員外郎
旋致仕歸工書法宗唐歐陽率更續志

陳蘭字東臯官浙江黃巖縣丞擢知雲南蒙自縣會土
夷犯順蘭督兵捕剿有功致仕歸舉鄉飲賓壽九十陳氏

家乘

高榮祚字禮耕號綬之一號松軒官廣東臨高縣知縣
兩署鶴山縣事臨邑居大海中多煙瘴甫莅任聞民輒
暴死詢之士人以悞食斷腸草故出貲募樵者盡除其
根其害遂絕城南石徑亘數十里崎嶇不可行捐廉千

秦州志

卷之二十三

仕績

三

緡平之往來稱便民爲立石曰高公道鶴邑舊無書院
前令以同知廢署詳請建立草創未就榮祚重加修整
廓而大之置腴田以增膏火士林頌德城北崑崙兩山
高千仞頂有白龍潭禱雨輒應然極險峻會歲亢旱榮
祚率健役數人徒步攀援登其巔虔禱甫歸大雨立注
百姓焚香叩縣署者以千計後以內擢主事乞養歸奉
親垂二十年邑中凡有善舉皆踴躍倡首爲一鄉十夫

之望年六十七卒

續志稿

劉維馨字馥菴乾隆五十一年武進士補廣西守備擢
上思都司六十年奉檄助剿黔楚苗匪禽逆吳半生奪

連雲山復乾州旋調赴四川剿補教匪梟首逆孫老五
陽夔州圍復追賊至陝西洵陽之歐家川被石傷
足事聞得

上曰嘉獎

賜銀調養傷愈至冷水灘禽逆羅其清兄弟擢遊擊

賞戴花翎又剿賊龔文玉冉文傳等又於陝西大市川甘肅松
樹壩及雞頭關大扒山等處獲高均得王四虎雷士旺
王大樹王林高諸首逆以功累擢廣西參將廣東督標
中軍副將丁憂服闋補黃州協副將以臂劓發乞假歸
卒於家 采訪錄

秦州志

卷之二十三

仕績

五

楊繩祖字心壺貢生乾隆五十五年官溧陽縣訓導甫
蒞任有邑豪與諸生某訟曲在豪學使者將按部矣豪
陰屬客持百金請繩祖具某生劣款先是繩祖廉其事
乃陀客曰我做窮秀才五十年不妄取一錢今乃爲若
金賣耶客大慚阻會學使者問狀繩祖力陳曲直抗辯
不屈生卒得直士林感泣嗣以疾乞歸年八十六卒繩
祖精三禮之學著有禮經彙編儀禮周禮本末說心壺
詩鈔若干卷 家傳

宮秉鑑字寶塘號鍊江舉人知廣東連山縣署瓊州府
同知瓊州四面巨洋洋盜出沒其間久爲民患秉鑑募

民爲鄉勇數千人時加訓練教以水戰法往來巡哨捕殆盡民賴以安權崖州守時昭雪武生某冤崖民至今稱之後以解餉四川次雲陽遭疾卒家傳

徐邦慶字永侯初任揚州營邵伯把總時謝家莊多盜邦慶捕獲無遺民賴以安升衡陽千總署三江營守備以放火器傷手指例報廢上官不忍棄其材留補寶應城守值水荒賑粥飢民擁跌邦慶親負救之年老欲乞歸士民呈留者數千人六年六十七卒於官續志稿

高垂綬字若廷貢生嘉慶七年官贛榆縣訓導會歲飢奉檄查賑雲臺山風雨不避露宿數晝夜釐奸剔弊胥秦州志 卷之二十三 仕績 三

吏無所侵漁上官倚重之家傳 儲士雄字朝燮由行伍考授千總

高廟南巡挑列

御前騎射

欽賞荷包授陝西永安營守備署邠州都司嘉慶二年賊苟文

明等犯甘陝調赴黑龍口堵禦賊遁士雄率鄉勇二千

人追至安康縣大道河殺賊張漢朝等二千餘人授山西運城都司會賊樊仁傑龍紹周等擾掠瓦房店毛壩關煙燉堽士雄縱騎大敗之仁傑溺河死眾皆潰散至

一八溪遇賊徐天德捨渡任家河劫掠河北村莊

